

# Kīci-tipāskānikomāw oci kānata pakitinīw sōniyāwa 2023

*Kīci-tipāskān sōniyāw kā-pakitināt kasītōskām āpihtawāyihk kānata-iyiniwak, namōya ka-osāmistakīcikāniwan, kamiyo-wīcihicik isi-nīkān kānata-iyiniwak*

niski-pīsim 28, 2023

Ottawa, Ontario-  
tipāskānik

kīci-sōniyāw-wayasowīkamikōk kānata

*Anohc, kākistīyītākosit Chrystia Freeland, ānisko-kīci-sōniyāwikomāw ēkwa mēna kīci-tipāskāni-sōniyāwikomāw pakitinam [Sōniyāw kā-pakitinīt 2023 -ōta kā-osītāniwak oci kānata kiskinōtawi-masinahikan: ka-sōkikāpawicik āpihtawāyihk kānata-iyiniwak, namōya ka-osāmistakīcikāniwan, kamiwāsik oti nīkān.](#)*

Ministik-kānata kwayask mīnowak aspin oci misowīskamik-ākowiwin kākiyaw kākī-kipīcipayik. Ministik-kānata atoskēwina nawāc kā-sōki-opikiki mēna kākiyaw G7-kīci-tipāskāna nāway askihk, ēkwa anohc, 830,000 nawac mistahi kānata-iyiniwak atoskēwak mēna mwahi kākī-takopayik anima kīci-ākosiwin. Kā-ispākīpayit sōniyāw ōta ministik-kānata nīcipayiw ayinānēw pēsīmwak ēkwa, aniki namwāc atoskēwin kākī-miskākwāw kwayask nīcipiyaw, ēkwa, sītōskāwak ministik-kānata oci kakaskītamāsocik ayisīniwak awāsis-nātamākīwin, ēkwa iskwēwak kātōskēcik 25 iskohk 54 kā-itātipiponīcik kwayask ispākīpayiw mitoni iskōk 85.7 ākītāson anoc awa mikisiwi-pīsim.

Sōniyāw kā-pakitinīt 2023 tākōci-osītāniwan miyo-atoskēwin.

Ōma oci mīciwin kā-otinīkīcik tipāmātowin, wīcihāwak ayisīniwak awa oci sōniyāw kā-pakitinīt 2023 īsi kā-ispākīpayit awa sōniyāw 11 million kānata-iyiniwak ēkwa mēna o-pēyakoskāniwāwa mwāci kā-nitawiyītākāw ōma wīciyowin, ēkwa tākōc \$467 imīyīcik kā-nēsīcik kā-ocawāsīmisīcik; tākōc mēna \$234 mīyāwak kā-pēyakocik aniki namōya kā-ocawāsīmisīcik; ēkwa mēna tākōc \$225 mīyāwak kēhteh-ayak, nawac poko. Kānata-sōniyāwikomāw mēna tipāhikīwak wīpinikana-tipāhikītāsowak ēkwa mēna mistakīcikī-osōniyākīwak, kā-wītakītamācīk aniki opamīcikīwak-otatoskīwak, wīcihīwīwak kānata-iyiniwak nawac mistahi kakīfīyimācīk osōniyāmowāwa.

Kā-maskawīsītācīk ministik-kānata misowīskamik-akosīwikamik-wayasōwin-atoskēwin, sōniyāw kā-pakitinīt 2023 sāpōtatāwak \$198.3 billion sōniyāwa nawac wīpac ka-wāpamīcik ayisīniwak akosīwikamikwa, nawac mistahi wīcihōwīwina akosīwikamikōk, ēkwa kākiyaw mēna tipāskāna ēkwa kīwētīn-tipāskāna ka-miyo-wayastācīk akosīkamikwa īsi kākiyaw kānata-iyiniwak kā-isi-miyo-pamīhicik. Awa sōniyāw kāpikitinīt 2023, kānata mīpit akosīwikamik-wīcihowīwin pakitinīkātīw, kawīcihāwak iskohk 9 million kānata-iyiniwak namōya katāc iyiniwak kanawasōnikīcik wīpitowāwa kapamītācīk akāci katīpahīkīcik kā-kīsakīmīt pīsim.

Sōniyāw kā-pakitinīt 2023 pakitināw īta sōniyāw ka-miyo-wīcihitāsot ministik-kānata ka-miyo-pīkāk, kanakinamak ōma kā-osām kisopwīk kitaskīnaw, ēkwa mēna nawac mistahi kawīcihicīk kānata-isīcikīwin-otatoskīwak mēna kānata-otatoskīwak. ōma kā-wayastāniwak sōniyāw-



wayasowīwin nawāc ka-kākanātāki māmwī-isīcikīwina, ka-miyo-sītoskācikātīki oskāyi atoskīwina, ēkwa kānata-otatoskīwak kakaskītācik ka-osīcikīcik ka-osītamowācik nanātōk āpacīcikana kānata-iyiniwak ēkwa kīciwākanowak kākiyaw ka-miyo-āpacītāyak.

Ōma papiyātak sōniyaw-kiskinōtahowīwin kawāpātīnaw ōta ministik-kānata kamiciminamāk nōtaw kā-isi-masinahiyāk sōniyāw ēkwa mēna ōma capasis net debt-to-GDP akītāson ispīci ōki G7-kīci-tipāskāna, sōniyāw kā-pakitinīt 2023 kawīcihīmakan ōma ministik-kānata nawac kanātamāsowāk, kasōkikāpawiyāk, ēkwa mēna kawītamācik kākiyaw ayisīniwak misowīskamik ministik kānata.

## Kā-itowāniwak

“namōya wīkāc nikī-oci tāpwēkīyītīn ministik-kānata ōtī isi nīkān iyikōk anohe kā-isi-tāpwēkītāmān. Sōniyāw kāpakitinīt 2023 katakōtataniwan oskāyi, nanātōk wīcihowīwin aniki kīci kānata-iyiniwak nawāc mistahi kānitawīyītākawāw wīcihowīwin; nawac īsōkā misowīskamik-akosīwikamik-wīcihowīwin, ōma mēna mīpit-wīcihowīwin millions kīci kānata-iyiniwak; kawīcimakāki mēna māmwī-isīcikīwin-atoskīwina kakākanātāki atoskīwina. Ayiman misowīskamik, māka nawāc ōta miwāsin ministik kānata.

*Kākiyītākosit Chrystia Freeland, ānisko-kīci-sōniyāwikomāw ēkwa kīci-tipāskāni-sōniyāwikomāw*

## Kāwākōtōmakāki kotaka wayasowīwin-masinahikana

- *Sōniyāw kā-pakitinīt 2023: ōta kā-osītāniwak oci kānata kiskinōtahowī-masinahikan: ka-miyo-wīcihicik tāwayak kānata-iyiniwak, ka-kaskītāmāsocik ayisīniwak atoskīwinīk, ka-miyo-wāpātāmāk ōtī nīkān*
- *Sōniyāw kā-pakitinīt 2023: kā-wayasowīt āniskō-kīci-sōniyāwikomāw ēkwa kīci-tipāskāni-sōniyāwikomāw*
- *Nāway ācimowin-masinahikan: nawac ka-maskawisīmakāk misowīskamik akosīwikamik-wīcihowīwina*
- *Nāway ācimowin-masinahikan: ka-osītānowak kā-isi-kaskītāmāsocik awina pimācihowan*
- *Nāway ācimowin-masinahikan: kā-kaskītāmāsocik awina itāwināk ita kamiyo-wīkit*
- *Nāway ācimowin-masinahikan: ōta kā-osītāniwak oci kānata: ka-miyo-tīpahikītāsonāniwak nāhiyikohk ōma piyēsīskotīw, miyo-atoskēwina, ēkwa mēna kamīcītīki kāmiyo-kākanātāki atoskēwina*
- *Nāway ācimowin-masinahikan: kanīkānastāyak miyo-wīciwitowin*
- *Nāway ācimowin-masinahikan: ka-sōkikāpawīkamikākī ēkwa kamiyo-wītatōskīmitocik ayisīniwak itāwināk*
- *Nāway ācimowin-masinahikan: kamiyo-astāniwak nanātōk-wīciwi-atoskēwina*



## **kīspin awina kinōtī-pīkiskwātāw**

### **Otācimowak kakī-pīkiskwātīwak awa:**

Adrienne Vaupshas

Otācimo-otatoskīw

Otatoskīwikamik ānisko-kīci-sōniyāwikomāw ēkwa kīci-tipāskān-sōniyāwikomāw

Adrienne.Vaupshas@fin.gc.ca

Otācimowak kāwītatoskīmācīk

Kīci-sōniyāw-wayasowīkamik kānata

mediare@fin.gc.ca

613-369-4000

### **Pokāwiyak ōta kakī-pīkiskwiw**

Sīwipicikī: 1-833-712-2292

TTY: 613-369-3230

financepublic-financepublique@fin.gc.ca

